

卷十三

書名 文潞公文集四十卷 嘉靖五
 年高陵呂氏刊本
 撰者 宋 文彥博 撰，明 呂柟 校
 卷 卷十三
 內容分類 集 別集 北宋
 索書號 集部 別集 3 28
 編號 D7220100

彩色首頁1

東洋文化研究所漢籍目錄 編號: D7220100

東洋文化研究所漢籍目錄所藏漢籍善本全文影像資料庫 索書號: 集部 別集 3 28

漢籍善本全文影像資料庫本文潞公文集四十卷 嘉靖五年高陵呂氏刊本

版權所有: 東京大學 東洋文化研究所

使用上的注意事項


文潞公文集卷第一

古賦

聖駕幸太學賦并序

帝乃備法駕幸于太學詔諸儒博士講論前典親
 聽焉臣獲逢休吉之期恭聞偉盛之事舞蹈不足
 於賦誄誠不能述宣上德褒讚形容姑第樵夫之
 不協擊轅之韻爾詞曰
 受命之四葉皇上御極之三年九有成若六合
 黎庶踏于壽域文教燭乎永天朝無闕政野無

院學化女方東 第
五
冊
No. 8656



0 1 2 3 4 5 6 7 8 9 20 1 2 3 4 5 6 7 8 9 3





文潞公文集卷第十三

雜文

座右誌

夫圓首方足肖天地之形是為最靈也褒衣博帶慕
聖賢之道在於篤學也噫世之冠章甫衣逢掖而為
儒者可勝道哉其庶幾於道則無率皆捨本趨末屑
屑於章句間利目前之利語乎道則何其遠哉夫人
之常情孰不欲達捨道而進則君子不為也然而道
有消長時有遇否所以才有餘而功未著業未半而
勲已百者有矣而昧道寡識者則其得與失孰賢也

榮與辱孰珍也曾不知齊景之有千駟不若顏子之
曲肱董賢之為三公不如楊雄之執戟故云不以其
道得之弗處也昔我先師厄於陳蔡召子路而問曰
詩云匪兕匪虎率彼曠野吾道非邪吾何為而於此
子路曰意者吾未仁耶人之不我信也意者吾未智
耶人之不我行也子曰有是乎由譬使人而必信安
有伯夷叔齊智而必行安有王子比干復問子貢子
貢曰夫子之道至大天下莫能容夫子夫子蓋少貶
焉子曰賜良農能稼而不能穡良工能功而不能為
順君子能脩其道綱而紀之統而理之而不能為容

本爾不脩爾道而求為容賜而志不遠矣顏回入夫

子又問之回曰夫子之道至大故天下莫能容雖然
夫子推而行之不容何病不容然復見君子夫道之
不脩是吾醜也夫道既已大脩而不用是有國之醜
也夫然則君子之於道夷險不易其操焉僕又嘗病
世之人其學未得其髣髴即飭虛譽以誇愚俗時小
有所長又自慮時之不知也必欲家至而戶曉焉嗚
呼何反乎先師所謂不患人之不我知之言乎又獨
老氏所云自伐者無功之言乎夫鼓鍾于宮聲
聞于外又何必其言也昔胡成父子俱以清廉著稱

晉武帝問之曰卿之清孰若父之清對曰臣不逮父
遠矣臣父之清恐人知臣清恐人之不知也如此則
目耀者不必為優自晦者不必為劣崔亭伯所謂叫
呼街鬻縣旌自表者非隨和之寶暴智耀世因以干
祿者非仲尼之道又曹公云行而自衒者女之醜行
也夫蘭生深林不為無人而不芳鳳翔千仞覽德輝
而迺下則君子藏器抱德與時隱顯何患名聲之不
聞爵仕之未遂乎僕又嘗患士之多上人而自大者
殊不能景行先哲見賢思齊而乃與常常輩角其才
智自以為能此又見其愚陋褊迫之甚也深不自焉



古語有云可為智者說不可與愚者道苟非其人即
不如守吾之默也士君子既能以道自處復去自賢
之心加之以遠識清鑒襟度夷曠為儒之美復何尚
焉苟不能爾則徒有章句薄才小巧終不能裨儒行
之萬一亦與夫刀筆小吏無有異也雖復頂儒冠衣
儒服且不可逃詩人彼己之刺又何施面目於士林
間乎僕每讀唐相鄭公餘慶傳觀其行事有古人之
風真君子之儒矣砥名勵行謙卑自牧踐歷臺省以
蹇諤聞侃侃於公卿間未嘗倨仰媚于人必以其
道祗事四朝出入將相逮於晚節不渝素行可謂以

功名終始者矣然而當時議者謂沽激尚未以全德
許之噫士君子不達即已苟達焉可不益思慎其名
檢乎進思盡忠退思補過夷險一致忠恕不渝不爾
即得為滎陽公之罪人斯幸矣昔揚子云解客嘲班
孟堅答賓戲崔駰達旨張衡應問蔡中郎之釋誨却
秘書之釋對皆所以矯俗而旌厥素焉僕非能編
德於數公也但述於翰墨誌之座右庶幾乎自勉而
已將廣崔生之銘焉因為座右誌云

題裴晉公畫像讚并序

尚書良武功蘇才翁得裴晉公畫像於大資政富公

謂與家藏舊本正類因以相示予嘗讀裴公自題寫
真語有靈甚莫狀之句意公負其所為諷不自言俟
他人發明之而當時多嫉公勲德或云平蔡者愬公
何與焉又逢吉黨謬為謠言以傾公獨賴正人訟其
誣枉僅免於禍雖宗閔送出其門猶憾不引為相
公于梁則於其時孰肯揚公之瑜後世史官於公無
嫌追書公美近于實錄噫豈群邪醜正見抑於當時
耶將貴遠賤近人之常情耶予仰公之風觀公之像
因原公意輒續公讚

繪事雜巧

傳神寫照

公之靈臺

孰觀其妙

靈臺崇崇

含和處中

經始勿亟

積善累功

賢人之業

伏羲資忠

人不吾譽

吾不為沮

人不吾毀

吾不為喜

竊揆公意

如是而已

慈照大師真讚

嘉祐中余保釐大師屢遊闕塞始見幽公於寶應精舍聽其言簡而詣觀其相靜而定又其朋智漸法苑之秀也亦謂余曰幽公博通教典潛悟禪那苦行精進為流輩所推余後數與之談漸之言信伊西竹塢



積慶蘭若爰集淨眾曰嚴鍾梵以奉先公之卜宅幽公樂是胥宇惠然肯來亦既宴止遂有終焉之志未幾寂化其徒悲涕慕思圖形瞻禮以永歸依謂余為大檀越來乞讚云

師行惟幽

師心為寂

就名觀義

循理索跡

性相皆空

了不可得

胡為形容

設色之工

即空即空

傳寫無窮

四眾瞻仰

悚然信恭

題宋宣獻書帖後

宣獻公文學德望為一代宗師頃年嘗游公藩誤蒙

與進一日延食於春明東閣示子蘭陵蕭誠書且曰
名筆也乃知公之行筆類蕭今觀此小楷二軸精勁
有法遠出前輩惟東閣春與之厚不覺泫然泫寧
九年六月二十四日北都善養堂題

文路公文集卷第十三

文路公文集卷第十四

奏議

奏為脩開先殿乞循制度事

臣某昧死謹疏上皇帝陛下臣某誠惶誠懼頓首頓
首臣聞狂夫之言聖人擇焉臣遭逢聖神敢獻狂瞽
伏惟天地之大德特貸鐵鉞之嚴誅則微臣幸甚臣
伏覩今月十四日詔書太平興國寺僧紹宗緣化脩
蓋外所有太祖神御殿令三司差係官工匠重脩又
云殿重脩於宏麗獲時薦於芬馨有以見陛下奉先
思孝之道高出百王復又盡給國財不煩民力此乃